

故宮博物院  
珍藏集

# 河北府州縣志

共十四冊  
第十冊



故宮博物院編 海南出版社

故宮珍本叢刊第 072 冊河北府州縣志第 10 冊(共 14 冊)

故宮博物院編

正定府晉州武強縣新志  
武邑縣志 故城縣志

海南出版社

新華書局  
PDG

圖書在版編目(CIP)數據

故宮珍本叢刊.第72冊,地理.都會郡縣.河北,[康熙]武強縣新志、[康熙]武邑縣志、[雍正]故城縣志/故宮博物院編.-影印本.-海口:海南出版社,2001.4

ISBN 7-80645-966-9

I.故… II.故… III.古籍-善本-故宮博物院-叢刊 IV.Z121.7

中國版本圖書館 CIP 數據核字(2001)第 06634 號

故宮珍本叢刊第 072 冊

河北府州縣志第 10 冊(共 14 冊)

[康熙]正定府晉州武強縣新志 [康熙]武邑縣志 [雍正]故城縣志

故宮博物院編

責任編輯:李升召

\*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

\*

2001 年 6 月第 1 版 2001 年 6 月第 1 次印刷

開本:787×1092 毫米 1/16 印張:30.5 印數:1-400 冊

ISBN 7-80645-966-9/Z·47

定價:2680 元(河北府州縣志 45 種共 14 冊)

本書如有印裝質量方面問題請與我社或承印廠聯係  
我社為本書每冊(種)書新編編目錄均置於每冊書末

卷一

焉夫志史之翼也君子參  
伍以通其變小人守法以  
修其業因俗以出政省方  
以立教不出書契而知天  
下者稽之志而已武遂

燕趙之交太行西望

東連固畿輔名邑也明處

歷間邑志代有纂修

國朝丁未之秋邑令李道光  
重訂而增刪之歷今二十

撫臺序二

有七載其間政事之興廢  
以及人文之盛衰殆不知  
凡幾所賴於修明而昭示  
來茲者非士君子責歟特  
御張君星法爲邑名宦堂

立

初時守正不阿儼然有古直  
臣風範及乎解組歸里殷  
殷以世道人心爲已任懼  
舊志多所遺闕釐而新焉

郭撫臺序三

質之載籍參之見聞芟繁  
理亂摭隱所微而疑者信  
闕者補矣志成問序於余  
余觀其書秩而有倫約而  
弗遺其事覈其文質而瞻

豈僅條遺於傳往事哉蓋

誌建置而知歷代之沿革  
計賦口而知民生之豐儉  
察官疇而知吏治之賢否  
考人物而知士習之浮正

郭撫臺序四

俗尙之澆淳至若興學校  
以明禮義表節烈以勵風  
化崇祀典以敬鬼神按籍  
而知實於政教攸賴非獨  
一邑之傳書亦將以佐也

氏之不迨云爾時

康熙歲次甲戌季秋古晉

郭世隆題



郭世隆序五

序



郡邑志與國史相表裏史合而志分然有其分之乃能有合也故其為義含三才晰衆類人才風化沿革興衰皆於

許建臺序一

是乎取之則志者治之輿也昔朱子歷仕江淞閩海所在以修志爲先務蓋深有見於致治之不能無所因本天順地便俗宜人卽前代之所紀

權緩急輕重而斟酌之以重  
之其後則志之所志卽治之  
所施適塗者必循軌轍置文  
獻之徵而不講願可與言設  
施哉武強爲古趙地星分疆

許巡臺序二

畫周秦而下其來舊矣特建  
置沿革代不相襲則所賴於  
鄉縉紳與賈有司因其志而  
修輯之以時也自御張君績  
學鴻才爲邑中祭酒以名孝

廉起家而

天子寵以繡衣之任立朝勁節  
持斧有聲偶假歸里杜門遵  
養著述自任慨然有志於邑  
乘之失次因而謀之令君令

許巡臺序三

君以鞅掌辭而專授簡於先  
生不分曹不列局不假衆手  
若遷固之於史歐陽公之於  
新唐書也書成乃地尺書丐  
余言以弁其端余媿無皇甫

之詞章以增重聲價然事之  
有關於治理典制者安敢以  
不文謝也至觀其所載則簡  
而能脩潔而不支其文雅馴  
其義足以鑑星躔地域之祥

許巡臺序四

異變遷城池館署之廢置因  
革匪藉博物時勢之殊宜修  
救於茲識也戶口財賦之登  
耗典禮祀事之修與學校師  
生之條畫習尚人文之代更

匪矜舊傳教養經畫之有道  
於茲審也其利何以興其弊  
何以去其元氣何以培其創  
立何以久志之資於爲治大  
以脩哉且史之爲鑒戒也褒

許巡臺序五

貶甚嚴而志則有褒而無貶  
然史多所未及志則無有不  
反如職官人物選舉藝文功  
名行誼之大以至閭閻夫婦  
方技術數一節一義一長一

善莫不畢載使官其地生其鄉令掾筆者缺其名不得錄其實則無一事之可紀乃竟虛存其職銜姓氏於方策而漠然無徵斯殆有甚於史氏

許巡臺序六

之顯然志貶也乎可不懼哉是則作志者具有史外之深意也夫卽張君之志也夫

康熙三十三年歲在甲戌七

月旣望

欽命總理直隸刑名驛傳事務

巡道加八級許兆麟謹撰



許巡臺序七

叙

輿志之設由來遠矣論者以爲備紀載耳然非具史才史學未易幾也間嘗歷覽載籍諾臯竹書之儔誣誕不足道

周道臺序一

卽景純著山海經遐方荒徼無所考實脫或紕繆孰有能疵之者雖新奇可喜亦何關澆淳得失之數哉若一邑中山川風俗文章政事人物土

產迺貞淫頑秀興替所關實則傳信虛則傳妄可不慎歟今天下郡縣皆有志其間多詳各失宜叢雜可議者或務誇本土之多奇過于點染或

周道臺序二

旁搜軼事之不力未獲精詳遂至舛訛滲漏千載而下有遺憾焉武強爲恒州名邑介太行瀛海間固宜有名物之繁言之美可以昭典故備

勸懲而舊志相隔三十年所  
藉于恢廓而更張之者非博  
物君子其孰能與于斯侍御  
張君雁湄儒林裔嶽也其與  
洽足以窮古今之蹟其識力

周道臺序三

足以剖疑似之紛其兢慎足  
以垂百世之則而毀譽無私  
于已干請不徇于人詳不蕪  
簡不漏其異于世之苟且操  
觚者遠矣方先生爲侍御時

彈劾不避貴顯立

朝振振有聲及退居林泉復留  
心一邑之是非沿革毅然以  
修明爲己任不使桑梓之地  
有纖毫闕畧之嫌其讀書力

周道臺序四

學居心行事于古人何如也  
余承乏恒山自媿淺陋不能  
爲是邦發幽闡微于先生武  
邑一書爲之擊節三歎蓋淺  
幸邑志得先生史才史學而

有成而貞淫頑秀興替之故  
足使覽者感發則邑乘雖小  
其可以睥睨景純之山海而  
有餘矣三韓周士賢題

周道臺序五



序

郡縣之設古矣郡縣之志則  
非古也自黃帝畫野分疆厥  
有九州錫圭告成界爲四陲  
禹貢一書因壤定賦開後世

先大尹序一

紀載之宗厥後職方掌故見  
於周禮秦分天下爲郡縣藝  
林載筆尙局見聞漢蕭何入  
關中取其圖書具知天下戶  
口阨塞之處光武披輿地圖

徧知天下郡縣嗣是時地遂  
更沿革互異各紀其所有以  
爲書此則志所由昉也顧誇  
形勝者則詳其山川艷聲華  
者則核其人物舉凡土之所

先人尹序二

鍾地之所產與夫倉廩城池  
軍容政蹟聲詩文藻風俗灾  
祥何一非志之所必及然載  
籍日繁淆亂亦日甚而况建  
置之始博徵逖覽前此未有

先人尹序三

成書紀信傳疑類多出於腐  
手未免拾鉅遺纖挂一漏萬  
鄙俚漉漫貽譏大雅卽有史  
學專家或去取過嚴採摭失  
實意見偏主是非倒易輜軒  
所至何所據以爲信從哉大  
抵天氣運會地力土風每百  
年而一變或數十年而一變  
舊章故典亦百十年而一修  
明踵事增華要皆畧於前而

詳於後參稽往志而經世宜  
民之道統諸此矣我

皇上神聖立極文德武功度越  
千古海隅日出拱王會以成  
圖鳥弋黃皮奉車書而入貢

先大尹序四

爰

命各行省採集曩今裒輯記志  
繪圖以進宣付史館彙爲一  
代全書與

國史竝垂務俾內外臣工鑒觀

威靈周知民隱酌今準古去

其疾苦而予以安全躋斯世  
於仁壽匪直廣蒐輿圖後同  
軌同文之盛已也武強近在  
畿輔而警較之舉尙爾缺如

先大尹序五

龔

自辛未下車亟取而讀之

承訛襲舛支離全雜未終篇  
而輒倦坐衙押判之暇每思  
釐訂纂續竊念戶口未殷蕃  
何以滋之使殖財貨未阜邇

何以酌之使盈賦役未蘇息  
何以紓之使裕仰邈循卓則  
愛樹徒存徧式名賢則高閭  
匪昨嚴則易遺寬則易濫遺  
則府怨濫則蒙譏不禁揜卷

先大尹序六

太息張雁湄先生毅然起而  
任之先生弱冠巍科班列侍  
御史雖立朝未久而冰心鐵  
面直聲震天下解組歸來拒  
關却掃絕口時世事切切焉

唐書志之蕪沒別出體裁  
攄心匠臚次簡約而義類兼  
該金堅玉粹中儼挾袞鉞風  
霜之氣志書之作於斯嘆觀  
止矣書成出以示余余受而

先大尹序七

卒業條分縷析尤深寓意於  
激揚因思士君子卓然自命  
行不域於一方名不爭夫一  
日出膺民社尸祝在閭閻高  
議廟廊銘勒在鼎呂其居

也敦古處於門內履仁蹈義  
宗至吾徒藏大業於名山俎  
豆詩書爲功天地是其人者  
草野志之闕廷亦志之奕世  
而下猶令人歌思愛慕使其

先大尹序八

人倏然自詡以爲吾之學術  
如是吾之聲名如是無復進  
而上之之念後之人執簡循  
例僅疏其姓氏爵里於秩宦  
選舉之目稽諸

國史而三立無聞虛聲不副當  
亦非先生之所許且大失先  
生作志之苦心也已

康熙三十三年歲在甲戌十  
月上浣

先大尹序九

賜進士出身文林郎知武強縣  
事加二級癸酉順天同考南  
海先國幹謹撰



序



志何昉乎昉於爾雅司馬遷  
曰書班固曰志蔡邕曰意華  
嶠曰典張勃曰錄何法盛曰  
說餘史並承班固謂之志志

自序一

特史之一耳史者天子之書  
志則郡國之史也志者識也  
存往蹟以示將來也前人謂  
省志從其簡郡志存其繁州  
縣志則務其詳然志不宜繁

志者記也簡非畧也峻繁而雅  
也鄭夾漈謂修史之難無  
出於志諸家皆詳於浮言不  
足以盡爾雅之義况其下焉

自序二

者今郡國有志雖用其名而  
體裁記載一準史例至於文  
直事核簡繁雅馴不得有所  
易也而幾此也難矣武強僻  
壤耳邑乘久不修輯數十年